

**Siunnersuut uunga: Atuagaateqarfiit pillugit Inatsisartut inatsisaat
nr. XX XX.XXX 2014-imeersoq.**

Pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSIISSUTAA

Aalajangiiffigisassatut siunnersuutip aappassaaneerpeqarnerani saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq, Per Berthelsen, siulittaasup tullia , (Siumut)

Inatsisartunut ilaasortaq, sinniisussaq Karl- Kristian Kruse (Siumut)

Inatsisartunut ilaasortaq, sinniisussaq Juliane Henningsen (Inuit Ataqtigiit)

Inatsisartunut ilaasortaq, Harald Bianco (Inuit Ataqtigiit)

Sinniisussaq, Randi Broberg (Parti Inuit)

UPA14-mi ulloq 1. april siullermeerneqarnerata kingorna siunnersuut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap misissorpaa.

Siunnersuutip imarisaa.

Siunnersuut atuagaateqarfiit pillugit inatsisip pioreersup 1979-meersumik nutarterineruvoq, taannami ullutsinnut naleqqukkunnaarsimammat, assersuutigalugu qarasaasiaq atorlugu tusagassiuutint eqqarsaatigalugit.

Inatsisip nalinginnaasumik nutarternerata saniatigut atuagaateqarneq pillugu inatsisissami nutaami erseqqissarneqartussanik pingasunik nutaanik allannguuteqartoqarpoq.

Siullemq tassavoq, inatsimmi toqqaannartumik allassimassaaq saqqummersitat naqitaanngisut, tassalu cd-rommit, cd-it, dvd-it, video-t, aammalu naqitaanngisut allat utertinneqartarnissaat pisussaaffiussammat. Tamatumunnga uiggiullugu oqaatigineqassaaq, oqartussaaffittut aalajangersakkamik nutaamik ilanngussisoqassammat, taamaalilluni utertitsisussaataaneq annertusineqarsinnaammat radiukkut TV-kut qarasaasiatigullu aallakaatitassiat

ilanngunneqarsinnaallutik. Ilanngullugulu utertitsisussaataaernermit pisussaaffiup malinneqannginnerani pineqaatissiisinnaaneq maleruagassiuunneqassaaq.

Allannguutissat aappaani pineqarpoq, atuagaateqarfiit pisussaaffigilissammasuk, inuttaasunut tusarnaagassanik atortitsisinnaalernissaq aamma qarasaasianik inuttaasut atuisinnaanerit pisussaaffigissammasuk, tamannalu siorngatigut inatsimmi allassimasimangilaq.

Allannguutissat pingajuat tassaavoq, atuagaateqarfiit pisortaat tassaassamat ulluinnarni Nunatta atuagaateqarfianik aqutsisoq, atuagaatilerisutut imaluunniit allamik tassunga naleqquttumik ilinniarsimasuusoq. Taamatuttaaq allassimavoq atuakkanik atorniartarfiit pingaarnersaanni pisortaaq naleqquttumik ilinniarsimasuussamat.

Atuagaateqarneq pillugu inatsisissami nutaami tunngaviusumik akeqanngitsumik atorniarsinnaaneq ingerlatiinneqassaaq.

Siunnersuutip Inatsisartuni siullermeerneqarnera

Ataatsimut isigalugu inersuarmi atuagaateqarfiit pillugit inatsisissaq nutaaq tigulluarneqarpoq, partiit tamarmik oqaatigaat atuagaateqarfiit tassaammata suliffeqarfiit kulturikkut attassisut, taamaattumillu inatsisip ullutsinnut naleqqussarlugu nutarterneqarnera tamatigut naammagisimaarneqarluni.

Oqaaseqartut arlallit pitsaasutut oqaatigaat, atuakkanik atorniartarfinni ingerlanneqareersup naqitanngorlugu pigilerneqarnera – tassa inatsimmi allassimalermat, atuakkanik atorniartarfiit tusarnaagassanik pisinissamat atukkiussuinissamullu pisussaammata, minnerunngitsumik naqinnernik ilisarinnissinnaanngitsut isigiarsuttullu eqqarsaatigalugit.

Taamatuttaaq oqaaseqartartut arlallit kissaatigalugu oqaatigaat, kalaallisut atuakkat tusarnaagassatut saqquppersinneqartartut pillugit Naalakkersuisut siunnerfilimmik siliniuteqaqqullugit, ajornanngippallu sumiorpalussutsit assigiinngitsut ilanngullugit. Kingulliup siunissami sumiorpalussutsit pigineqaannarnissaat ilaatigullu sumiorpalussutsit nalunngisaanerisa siaruarterneqarnissat qulakkeertussaavaat.

Naggataatigullu oqaatigineqarluni illoqarfinni minnerusuni nunaqarfinnilu atuakkanik atorniartarfiit atuarfinni inissisimanatik namminerisanik illutaqalernissaat sulissutigineqassasoq kissaatigineqarmat. Tamatuma illoqarfinni minnerni nunaqarfinnilu inuttaasut annertuumik iluaqusissavai, tassami atuarfiup ammasarfiinik pingaartitsineq pisariaqartinneqarunnaassamat.

Paasisassarsiorluni pulaarneq

Siunnersuummik ataatsimiititaliap suliaqarnerminut atatillugu atuakkat aamma atuakkat tusarnaagassiat pillugit killiffimmik ilisimatitsinissaq siunertaralugu Nunatta Atugaateqarfianit pulaarnissamut aggersarneqarneq qujassutigalugu akueraa.

Inatsisissatut siunnersuut – naammagisimaarneqartoq suliarineqarneranilu Nunatta Atuagaateqarfianit peqataaffigineqartoq aammalu meeqqanut inersimasunullu kalaallisut atuakkanik tusarnaagassianik amerlanernik pissarsiniarluni sulineq - pillugu ataatsimiititaliaq ilisimatinneqarpoq. KNR-ip toqqorsiviani oqaluttuatoqqanut atatillugu piginneqaartussaataaneq apeqqutaasinnaavoq taamaattumillu atorniartaganngorlugit tusagassiutinut digitaliusunut nuunniarneri ajornakusoorsinnaasoq tikkuarneqarpoq.

Siunnersuummik ataatsimiititaliap suliarinninnera

Politikikkut oqaaseqartartunit siunnersuut siullermeerneqarnermini tigulluarneqartoq ataatsimiititaliamit maluginiarneqarpoq. Siunnersuut aqutugalugu atuagaateqarfiit pillugit inatsit maanna attuuttoq nutarterneqassasoq minnerunngitsumillu siunnersuut aqutugalugu teknikikkut ineriartornerup malinnaaffigineqarnissaa Ataatsimiititaliamit isumaqarfigineqarpoq.

Innersuussinerup kingorna ataatsimiititaliap siunnersuut misissorpaa tassungalu atatillugu ataatsimoorussamik atuakkanik atorniartarfiit pillugit aamma taakku ilisimasatigut kulturikkullu pingaaruteqassusianik qimerluugaqarluni.

Naqinnernik ilisarinnissinnaanngitsunut, tappiitsunut isigiarsuttunullu tusarnaagassiat – tassani ataatsimiititaliap isumaqatigiissup Nunatta Atuagaateqarfia kiisalu kommunini atuakkanik atorniartarfiit kaammattussavai pisiniartarnermi politikiminni tamakku pingaarteqqullugit. Naggataatigullu ataatsimiititaliap isumaqatigiissup Naalackersuisut kaammattussallugit politikikkut tulleriiaarnerminni atuakkat tusarnaagassiat kalaallisut amerlanerujussuit saqqummertarnissaat suliniutigeqqullugu, pineqarlutik atuagassiat pisoqaanerit nutaajunerusullu, taamatuttaarli aamma oqaluppalaat oqaluttuat Radiukkullu aallakaatitassiat pisoqqat. Kiisalu Naalackersuisut taakku suliarineqarnerinut atatillugu sinaakkutissanik erseqqissunik suliaqassasut, imatut oqaatigalugu immiussatoqqanik piginneqaartussaataaneermut mianerinninnissaq kiisalu KNR-mi allakkaatitassiat pisoqqat digitalinngortinnerini piginneqaartussaataaneermut inatsisit tunngavigalugit akisussaaffup agguataarneqarnissaa.

Kommunini atuakkanik atorniartarfiit immikkut isigalugit ataatsimiititaliaq isumaqarpoq, aningaasatigut periarfissat naapertorlugit, piffissaq ungasinnerusoq eqqarsaatigalugu sulissutigineqartariaqartoq atuakkanik atorniartarfiit namminerisamik illutaqarnissaat, taamaalillutik illoqarfimmi/nunaqarfimmi atuakkanik atorniartarfinngorlutik, kommunimi atuarfinnut ilaajunnaarlutik.

Siunnersuutip aningaasatigut kingunissai

Siunnersuutip piviusunngortinneqarnerani aningaasatigut kinguneqaatissai siunnersuutip nalinginnaasumik oqaaseqaatitaani allanneqarsimapput. Tamatumani allassimavoq siunnersuummi siunertarineqartoq inatsimmut atuuttumut, taamaalillunilu atuagaateqarfimmi pissutsinut piviusunut arlalinnik naleqqussaasoqassasoq. Tamanna ataatsimiititaliamit tusaatissatut tiguneqarpoq.

Tusarniaanermi akissuteqaat


Inatsisissatut siunnersuut suliffeqarfinnut attuumassuteqartunut tusarniutigineqarsimavoq, tusarniaanerlu piffissami 11. december 2013-miit 6. Januar 2014-imut ingerlaneqarsimalluni. Ataatsimiititaliamit aammaarlugu Naalakkersuisunut kaammattuutigineqassaaq, siunissami tusarniaanermi sapaassuit sulinngiffeqarfillu eqqarsaatigineqartarnissaat, taamaalilluni piffissani taamaaliornikkut tusarniaaneq sivitsorneqarsinnaaqqullugu.

Inassuteqaat:

Siunnersuummi kiisalu siullermeerneqarnerani oqaaseqaatigineqartut tunngavigalugit matumuuna ataatsimiititaliap isumaqatigiittup siunnersuut

akuersissutigineqartussanngorlugu innersuussutigaa:

Ataatsimiititaliap taamatut oqaaseqaateqarluni siunnersuut aappassaanniigassanngortippaa.



Per Berthelsen


Siulittaasup tullia




Karl-Kristian Kruse



Juliane Henningsen



Harald Bianco



Randi Broberg